



BiH je od 2007. godine uključena u Centralnoevropski program razmjene za univerzitetske studije - CEEPUS III. Glavni cilj aktuelnog CEEPUS III programa je povezivanje naučno istraživačkih oblasti, te razvoj akademske saradnje kroz kreiranje univerzitetskih mreža koje će, između ostalog, raditi na zajedničkim programima i sticanju prava na zajedničke diplome, kao strateškog programa za implementaciju Bolonjskih ciljeva. CEEPUS razmjena odvija se u unutar mreža osim tzv. Freemover razmjene. Univerziteti, tj. fakulteti koji žele učestvovati u Programu razmjene moraju to učiniti unutar mreža. Svake godine u oktobru, otvara se novi krug za podnošenje aplikacija mreža za narednu akademsku godinu, a zainteresovane visokoškolske ustanove to mogu učiniti najkasnije do 15. januara svake godine.

Mobilnost studenata može trajati jedan mjesec ili jedan semestar na izabranom partnerskom univerzitetu izvan Bosne i Hercegovine, a minimalno 21 dan. Kada je riječ o mobilnosti profesora, za istu je predviđeno da traje između mjesec i mjesec i po dana. Ova vrsta mobilnosti može minimalno trajati 10 dana.

Visina stipendije za svaku zemlju određuje se na osnovu nivoa njenog ekonomskog standarda. Za Bosnu i Hercegovinu, mjesečni iznos stipendije za studente, diplomce, postdiplomce i studente doktorskih studija iznosi 360 EUR, a za studente doktorskih studija zaposleni na univerzitetu i profesore – 485 EUR.

Detaljne informacije i cjelokupna dokumentacija potrebna za konkurisanje nalazi se na web stranici [CEEPUS III programa](#).

Univerzitet u Bihaću je 19. 11. 2013. godine zajedno sa svim ostalim državnim univerzitetima u BiH, te Ministarstvom civilnih poslova BiH, Federalnim ministarstvom obrazovanja i nauke i Ministarstvom prosvjete i kulture RS, potpisao Ugovor o realizaciji sporazuma CEEPUS III u Bosni i Hercegovini“. Od potpisivanja ugovora, Univerzitet je sa partnerima uspostavio saradnju za financiranje šest CEEPUS III mreža unutar kojih se realizira odlazna i dolazna mobilnost studenata i nastavnika:

1. CIII-AT-0037-00-1415 - Slavic Philology and Its Cultural Contexts
Učesnik: Pedagoški fakultet Univerziteta u Bihaću
Koordinator: Univerzitet u Grazu, Odsjek za slavistiku
2. CIII-SI-0217-08-1415 Ars-Techne: Dizajn i razvoj multifunkcionalnih proizvoda
Učesnik: Tehnički fakultet Univerziteta u Bihaću
Koordinator: Univerzitet u Mariboru; Mašinski fakultet
3. CIII-HU-0003-13-1718-M-107835 Poljoprivreda i okoliš u 21. Stoljeću - @groen
Učesnik: Biotehnički fakultet Univerziteta u Bihaću
Koordinator: Szent Istvan Univerzitet
4. CIII-RO-0058 – Dizajn, implementacija i upotreba zajedničkih programa koji se odnose na kvalitet u proizvodnom inženjerstvu
Učesnik: Tehnički fakultet

Koordinator: Tehnički univerzitet Cluj-Napoca, Odsjek za proizvodno inženjerstvo

5. CIII- Nove nastavne tehnologije i nove aplikacije u modernizaciji nastave na Fakultetima tehničkih nauka u vezi s potrebama malih i srednjih preduzeća u okruženju

Učesnik: Tehnički fakultet Univerziteta u Bihaću

Koordinator: Univerzitet u Banjoj Luci

6. CIII-1103- Modeliranje, simulacija i računarski dizajn u inženjerstvu i menadžmentu

Učesnik: Tehnički fakultet Univerziteta u Bihaću

Koordinator: Tehnički univerzitet u Sofiji, Fakultet za telekomunikacije

Za dodatne informacije o prijavi za stipendiranje unutar navedenih mreža ili freemover razmjene, obratite se CEEPUS koordinatoru na Univerzitetu u Bihaću Džalili Muharemagić na email:

dzalila.muharemagic@unbi.ba

Za dodatne informacije o CEEPUS programu, obratite se koordinatoru programa Branki Avdibegović iz Ministarstva civilnih poslova Bosne i Hercegovine na email: Branka.Avdibegovic@mcp.gov.ba